

Hset baiq daTimôthê ...

1....

Bàu bôch hmàih

¹ Au kô Phaulô , tiaq manoh Boc Plinh the broq mangai Tiaq cla da ChuaqJesus Christ , ðòeq hu lam anoe bàu kan rih ma khoe têu am enh dalam ka Chuaq Jesus Christ ,² ahih ka Timôthê , aih kon au ma ha-och dèh ðiq jaq : Waiq ðôq kon jah kan tabàih dech , kan loq waq , kan catêm enh Boc Plinh ,aih Baq ,xam enh Jesus Christ aih Chuaq da bèn .

³ Au manè apôi dèh Boc Plinh au ma patih xi manoh hliang lem qmang ka qnhòng boc yaq au khoe broq , xam dahì xam damang au ùh hêq ka hmàng trùh kon jò au waiq khàn .⁴ Majah qmang aih au hmàng qmòe ka ðiac mat kon , enh toq lam hmàih ka kon , ðòeq manoh cliac au jah lem bùi . ⁵ Au hadai hmàng trùh manoh lùì joq qnàng da kon , aih manoh lùì nèh haq khoe oe ta Lo-it ,yaq apah miq da kon xam enh dalam Ônit , aih miq da kon , au loq manòeq kô joq qnàng haq hadai oe ta dalam kon .

⁶ Taiq aih au majah pariaq kon trùt hlài bài kan tabàih Boc Plinh khoe am , kon ma khoe jah jò canòm ka au roh ti enh qnhèq chac kon . ⁷ Majah qmang aih Boc Plinh ùh i am ka bèn manoh toq crè camaih ka raðeh , mahaq am ka bèn manoh hagau haghìh , kan loq waq , kan loq bàt raðeh . ⁸ Qmang aih , kon apaq camaih ka ep anoe trùh Chuaq , hadai apaq yòc nen wì khoe rùp clêh au hu camaih , mahaq ep canòm ka cwiang itai Boc Plinh ðòeq hu wiang chiùq xalep ti Bàu lem . ⁹ Boc Plinh khoe dèch bèn , khoe yòc kan hadròeh hu creo ka bèn , ùh xài tiaq bài biac broq da bèn , mahaq tiaq manoh cla haq ma khoe ði dèh , tiaq kan tabàih haq khoe am ka bèn enh dalam ka Chuaq Jesus Christ enh calah calinh nèh raq. ¹⁰ trùh manòeq kô men ja paqnoh canòm ajang Jesus Christ aih Chuaq dèch bèn loh crông taneh , haq khoe raliang ðac kan cachit , yòc Bàu lem hu aràng kan rih xam kan ùh cachit hòh loh taqngah . ¹¹ Taiq Bàu lem aih au ma khoe jah ði ðòeq broq mangai lam bahia , mangai Tiaq cla , hloe xam mangai hnài . ¹² aih iq dài au majah chiùq xalep . Mahaq au ùh xep , majah qmang aih au loq ðeh khoe lùì cabô , au loq dèh joq qnàng haq aih i cwiang wèq ðiq ðông rìm yiniq au ma khoe jao trùh ta hì aih . ¹³ Drah ep yòc manoh lùì xam kan loq waq enh dalam ka Chuaq Jesus Christ ðòeq hu wèq tiaq dua bài bàu hnài joq qnàng , kon khoe jah tamàng enh au . ¹⁴ Ep canòm ka Yiang Hadròeh qnang oe enh dalam bèn ðòeq wèq bài yiniq lem ma khoe jao ka kon . ¹⁵ Kon loq wì ma oe ta cròng Asia khoe caðac au , ta aih i Phigen xam Hetmôghen . ¹⁶ Waiq Chuaq tamèt ka hnim da Ônêsi-phôro , majah qmang aih haq khoe bàc yàng alòng au , ùh hiaq camaih yac ka hnoq wì rùp kàt au . ¹⁷ Èh hòh , jò bu trùh ta Rôma , haq khoe drah chaq waq qmòe ka hnoq au . ¹⁸ Waiq Chuaq am ka haq jah hnoq kan tamèt da Chuaq ta hì aih èh ! Kon loq ùh hnau ka mangai qnoeq , jò oe ta Êphêsô haq aih khoe patih ka au rìm yiniq

2

Kan salep da mangai patih ka Chuaq...

¹ Qmang aih , kon ep canòm kan tabàih enh dalam ka Chuaq Jesus Christ òòeq broq ka raðeh tadêh . ² Bài yiniq cleq kon khoe tàng ajang au enh ngèa bàc ngai wiang hnoq , kon jao hlài ka bài mangai ùh ta blòq manoh cliac , hadai rabiaq ka loq hnài mangai qnoeq . ³ Drah wiang chiùq xalep ti au qmang ka mangai linh ma tanoq da Chuaq Jesus Christ . ⁴ Jò mangai linh lam tajêh , aih pi òòq bài yiniq ta qnhòng kô broq ka raðeh tawac , haq broq qmang aih òòeq lem manoh mangai ma creo ka raðeh . ⁵ Hanoh qmang aih , mangai cadàu tacadêh tanòe cadàu , ep cadàu troq tiaq dèh ranenh aih èh men jah waq cadoh da mangai blêq . ⁶ Mangai abèq ruàng ep xalep adroe òeq ,men jah gat . ⁷ Ep hèm ma tem bàu au ma anoe ka kon , èh cla Chuaq men am ka kon kan rabiaq ta rìm yiniq . ⁸ Ep hmàng rameh Chuaq Jesus Christ , ha-uang loh enh nang noe bùa Đawit , khoe rìh hlài enh mangai cachit , tiaq Bàu lem da au ma hnài . ⁹ Taiq Bàu lem aih dài au majah ep xalep , ra-ùng haq wì kàt au tiah qmòe ka mangai broq trong dù , mahaq bàu da Boc Plinh ùh i cabô jah kàt . ¹⁰ Aih iq dài au majah chiùq òòng rìm yiniq am ka bài mangai ma khoe jah raih , òòq wì haq hadai jah dèch enh dalam ka Chuaq Jesus Christ hloe xam kan ranhòm mòeq òòe.

¹¹ Bàu kô cajap joq qnàng :

“Tàng joq bèn cachit ti haq ,

Aih èh bèn hadai rìh ti haq .

¹² “Tàng joq bèn hlàt chiùq qnhro

Aih èh bèn hadai jah wèq cwàng ti haq ,

Tàng bèn hangah ðac ka haq

Aih èh Haq hadai hangah ðac chau ka bèn .”

¹³ Tàng bèn loq tablòq manoh

Haq dua ùh tablòq manoh , majah qmang aih haq aclai ka raðeh ùh jah .”

¹⁴ Kô bài yiniq kon ma ep bahmàng rai hnài enh ngèa Boc Plinh : ep wia ka hangai kan tarahen trong bàu capoch , trong aih ùh i jah cleq , habo toq ka mangai ma tàng ðeh . ¹⁵ Drah òiq jaq loq àu òòeq hujah lem ka manoh Boc Plinh qmang ka mangai patih lem geo , yòc manoh hnhuh jang hu hnài bàu joq qnàng . ¹⁶ Mahaq ep caðac bài bàu capoch lech loq , majah qmang aih bài mangai capoch trong aih rai èh rai pi qnì iu yùq Boc Plinh . ¹⁷ bàu wì haq lènh tiah ka ra-om habau. Ta aih i Himênê xam Philêt. ¹⁸ wì khoe caðac trong joq qnàng , wì doe kan rìh hlài khoe trùh , wì haq raliang ðac manoh lùì da qnah ngai qmang aih . ¹⁹ Mahaq xem cajap da Boc Plinh ma broq dèh dua oe raq ùh i tachriah , i bàu parit qmang kô : “Chuaq loq dèh mangai da haq .” qnah hòm “ Mangai leq ma creo dang ka Chuaq , ep wia ka trong dù .”

²⁰ Oe ta hnim kàn , ùh xài i toq bài cabi wang cabi bac , mahaq hadai i tang qnah broq xi long xi taneh , qnah aih palauq hu tah hang canaq , qnah aih palauq hu tah hang hwòt hwat . ²¹ Aih èh cabô loq wèq raðeh claih ka bài trong qmèq qmang aih , haq jah tiah qmang ka cabi lem , jah basròeh , i lòeq ka cla wì craq , jò leq jò meh toq padon broq yiniq lem . ²² Hadai ep wia trong mangai radam ma enh, òòeq hu ti chaq trong taq atoq , manoh lùì , loq waq , ti chaq hatroq ti bài mangai yòc manoh hliang creo dang ka Chuaq . ²³ Apaqaq taqmùt ka bàu tarahen blùng ratùt , majah qmang aih haq loh toq kan talech . ²⁴ Mangai hapõng da Chuaq apaqaq enh ka trong tajênh :

mahaq ep acaq oe ma laq alàng ti rìm ngai , loq hnài , ùh hìaq loq hònh . ²⁵ yǒc kan tabat òeq hu bàt hnài bài mangai ma enh tablêq , ngèh ka Boc Plình am ka wì haq kan loq raxach òeq canau loq trong joq qnàng , ²⁶ èh wì jah clang òeq hu doeh raðeh claih ka hlàm kan kiac , majah qmang aih kiac khoe rùp padit òeq thê wì broq tiaq manoh haq .

3.....

¹ Mahaq ep loq qmang kô , oe ta hì atiq lùch kô èh i bàc jò nanxa . ² Majah qmang aih kon mangai wì loq waq toq ka raðeh , loq waq toq ka bác jènh , toq panhòm , ratauq , capoch qmèq , ùh iu miq baq , ùh qnì manè cabô , ùh rìh tiaq manoh Boc Plình , ³ ùh ha-och , xa ka hatroq , capoch cheo , ùh loq palap , ngang dù , git ka mangai broq lem , ⁴ gôpla , loq nòeh , padèch toq raðeh , enh toq trong pagôq ta qnhòng kô yì hnao ka loq waq ka Boc Plình , ⁵ enh gùng aih broq deh wèq tiaq trong lem , yàng enh dalam aih wì caðac cwìang itai da trong lem aih . Bài mangai qmang aih kon wìa ma hangai haq . ⁶ Ta wì aih i ngai ti achop mùt da wì ta hnìm , ti padô alúan bài mangai gucaðrì ùh wìa cleq bài mangai ma bình bauq toq yiniq lui , bài mangai khoe òeq kan qmèq qnung raðeh , ⁷ yac ka hǒc yôt mahaq dua ùh loq ka bàu joq qnàng . ⁸ Calah nèh Ja-net , xam Jambe tablêq ka Môise dàng leq , bài wì kô hadai tablêq ka bàu joq qnàng dàng aih : gàu ngoc wì haq khoe om ech , manoh lùì wì haq khoe pi dràng qnhro . ⁹ Mahaq wì pi broq jah tam pang leq hònh , majah qmang aih kô èh kan ratùt da wì haq rìm ngai jah hnoq òeq òeq ka da wa tau òeq . ¹⁰ Mahaq da kon aih , kon khoe tiaq dua bàu au hnài , tiaq dua rìh acaq , manoh enh , manoh lùì , loq kềm , ùh tagah lep ka trong loq ha-och da au , ¹¹ bài kan khech rùp , nanxa ma khoe trùh ka au ta Antiôt ta Ycôni ta Lit-tro . Bài kan khech rùp aih au chiùq òeq òeq mahaq Chuaq khoe òeq paclaih au yôt . ¹² Ma joq qnàng aih , rìm ngai enh rìh lem alàng enh dalam ka Chuaq Jesus Christ , òeq ep glàm kan khech rùp baxa . ¹³ Mahaq bài mangai ngang , mangai patiah toq enh gùng kiang rai èh rai cram ta kan dù , ti qnùt mangai qnoeq èh qnùt hloe xam cla .

Bàu pariaq Timôthê

¹⁴ Da kon hònh , ep yòng ma cajap ta bài yiniq kon ma khoe hǒc , ma khoe lùì òeq joq qnàng , majah qmang aih kon loq òeq khoe hǒc bài yiniq aih ajang cabô . ¹⁵ qnah hònh , patep enh oe nga kon khoe loq ka Hset Hadròeh jah broq ka kon rabiaq òeq jah òeq claih xi manoh lùì enh dalam ka Chuaq Jesus Christ . ¹⁶ òeq ka Hset Hadròeh aih òeq jah Boc Plình hì hèm qmùt , i lòeq òeq hu hnài , gùt bàt , ti palauq , hnài mangai trong taq ataq . ¹⁷ òeq mangai da Boc Plình jah geo gua , jah padon òeq hu broq bài yiniq lem .

4.....

¹ Au yòng enh ngèa ka Boc Plình xam Chuaq Jesus Christ aih Mangai ma hu hadrah mangai rìh xam mangai cachit , jò haq trùh xam òeq da haq , au tanap thê kon : ² Ep anoe hnài bàu Chuaq , ti àu pariaq , yac ka glàm jò yac ka ùh glàm jò , yǒc manoh kềm òeq hu gùt bàt , ti padô alòng , tagaih lech , apaq hêq ka hnài . ³ Majah qmang aih i jò wì ma ùh enh tamàng trong lem , mahaq wì enh toq ti tamàng bàu jàng ka tàng , tiaq kan ònh òeq cla òeq hu ti tagop bài mangai hnài òeq da raðeh . ⁴ bàng òeq ùh tamàng bàu joq qnàng , mahaq ti tamàng bàu ùh i qmòe ka rinh ⁵ Mahaq kon ep loq palap rìm trong , chiùq xalep òeq broq biac da mangai hnài Bàu lem , rìm yiniq kon ma patih kon ep broq waq ka gèh geo .

⁶ Majah qmang aih au khoe ten ta-ùc broq diac lỏc , hì cachit da au trùh khoe ten. ⁷ Au tajêh khoe geo , au cadàu khoe gêh , khoe wèq dèh manoh lủi . ⁸ Manòeq kô cadoh da kan taq atoq khoe taqmroq ðòeq ka au , Chuaq aih mangai hadrah taq atoq hì aih èh hi am ka au , ùh xài toq ka au hì hêq mahaq hadai am ka bài mangai ma khoe ðìq ka manoh ngềh gòm haq trùh .

⁹ Drah haqnàn trùh ta au ma rênh haq , ¹⁰ majah qmang aih Êma khoe cađac au , taiq haq ònh ka qnhòng kô , haq khoe lam ta Têsalônica . Coretxen khoe lam ta Galati , Tit khoe lam tagùng Đamati . ¹¹ Toq Luca raq ma oe ti au . Ajèn Mỏc lam ti kon , majah qmang aih haq aih i lỏeq ka au haq jah wiang patih ka au bàc trong . ¹² Au khoe thê Tichico tỏc ta Êphêso . ¹³ Jò kon trùh hmàng wê da au eo ma caxùnh enh gùng , au ma ðòeq ta hnim Cabut oe ta Trô-ach , hloe xam bài hset , ta aih bài hset broq xi akia aih yeo nhê . ¹⁴ Alecxandô , thỏq ðùng , haq aih ti broq hỏbo ka au bàc joq qnàng , mahaq tiaq tang yiniq haq khoe broq , i Chuaq patem hlài da haq . ¹⁵ Kon hadai ep hmàng hamang ngan haq aih , majah qmang aih mangai aih ðìq cajaq enh tablêq ka bèn .

¹⁶ Jò au capoch cwaih rađeh yàng ma adroe , ùh i mangai leq wiang ti au , wì cađac đổng au . Waiq bài yiniq lui aih apaq ta-ùc ka wì haq ! ¹⁷ Mahaq Chuaq khoe yòng ti au rai tah tam ka au padren , ðòeq canòm ajang aih raq Bàu lem hu jah anoe ka gêh ðòeq mangai diac wì ðìq jah tàng , au hadai khoe jah claih enh kiang baco . ¹⁸ Chuaq hadai jah doeh au claih ka trong dù rai dềch au tỏc ta diac plình da haq . Waiq kan ranhòm hlài ðìq ta Chuaq mòeq ðòe ùh lùch . !Amen .

¹⁹ Au tanap bàu hangah hmàih ka Bôrica xam Aquila , hloe xam bài mangai oe ta hnim Ônêsiphôra . ²⁰ Êrat haq oe hlài Côrintô , Trôphim qnang ùh hrỏc au dỏq haq oe ta hlài ta Milê . ²¹ Kon àu ðìq qmòe cajaq ðòeq jah trùh tacô adroe ka ralim oq ! Ôbulu , Buđen , Linut, Claudià xam oh ðaq ðìq tanap bàu hmàih trùh kon .

²² Waiq Chuaq oe ti mahua yiang kon! Waiq kan tabàih oe ðìq ti oh ðaq !